

湖

海

文

傳

湖海文傳卷二

青浦王 昶德甫輯

卷二

賦二

皇太后八旬萬壽賦

謹序

吳省欽

臣惟告功容德曰頌正樂曰雅其體皆可賦故班固以賦者古詩之流亦雅頌之亞也歲重光單闕律中黃鐘之月恭遇聖母崇慶慈宣康惠敦裕和壽純禧恭懿安祺

皇太后八十萬壽福應戢壽萃來賀

皇上觀元堂攷靈臺繹昊綽提貞釐含蘇宣詔轉轉旼旼與斯世躋壽宇凡言語侍從之臣抒悃述豫舉有所作以沂邈善氣以臣頡固倖得奏賦通籍又御賜賦繁第高等竊徵之景命所祐稽之方冊所紀循蜚以還厯茲曠睹深思歛河

卷二
昧源沿侈掌故又固言作賦之旨通風諭盡忠孝雍容揄揚
炳同三代謹以賦數陳其事極禔福之卑轅而衷諸順德之
感召拜手稽首獻焉其辭曰

康衢古民索帶披裘游嬉茹真藹香山碩耆之廬而請曰蒙
聞羔兕之晉嘏也禮嚮執於姬函矣

皇時六旬憇而弗居曰我

慈豫實埃實儲墜十定位卦八受圖因而重之 懿慶演疇

盍數典而誦厥初乎蒙且鑒古今之上儀錫家國之永類貺

我以泰符躋我以壽世陰陽網緼歲幹歲支上中三元候以

軒倫之十二篇壇以容成之十九章五緯汁次啟慧天人子

半在月籥告悉新逮祚三紀川增日輝邕邕熙熙用綏我壽

康其制龕得而述焉若迺析津宅曜夾城拱衛隆宗以西嚮

離樹闕金支煜爚以猊蹲華桐葳蕤以鳳集步欄冠綴璫璧
納月中則贅衣灑庭祇奉頤攝外則郎將護闈時竚

朝對於是西華豁初九市闐坐千軌沓摩牟首苾闔而射嵐
麗譙枕鄂而瞰波釐牟茁稜柳釋泄芽貨隧旗亭環映四阿
似以柏塗陪以香林震巨肆啟玉毫在龕應真八百有圍布
金妙鬢吉祥見其相圍梵懽喜流其音人天帝釋海會繹繹
會壇侂如雕綵績飾上覆簣而山移下量勺而波積鸛鵲川
鵝鶩藻達植木英未春而榮果珍方冬而熟狀璋於嵇編名
侈於吳錄於是廣場輓文竿矗抗綵旂昫春目突鋒扛鼎尋
撞丸劍之屬程戲趨趨以觜距爲鉞鏃龍吹熙僂洪厓女娥
之仙揚袿襪襪以鞞磬爲歌絃箏遂邊雲鉦鼓震山宵炬星
迥浮爛吐煙載霞載陰漫衍儵焉丙御不得轡俞騎不得前

於是都人效驩寮尹展采秋秋將馳傳萬里大祿岑陬犬
使鹿使望若延鷺踊若躍螽鸞應節珊瑚搖韻鏘拉擬乎莽
賈之垓豨獠乎誅蕩之閭其揮汗也則雪候雨霈其呼祝也
則晴日靄轟他他焉款款焉鼈拊而羔跪者相與占織女之
名婺宿之光迓一鴻禧茲未央也於是靈史涓吉節喻履長
斯夔斯愉啟鑾上京𠬞七校班六蚪鳴翠葭控華輶蒼威翕
習而執馭黃神撫護而結旂以狃暢春易鼉曠暉象愛日
之升以噉也以掖金根安輿翔軒協厚地之安以敦也於
三十里莘莘烝烝叩禮合讚有聞無聲翼輦涂施幔城傳儀
駕端

慈寧蓋新之又鼎新之昭融徽顯案綺甲而駢翠籙者難具
錄已於是做雲廷拓海屋仙壺永香辰肅彬文質之軌益

仁壽之域精璆瑩脂 寶冊琢治其文則精一合數其鑄則

茗華告期躬拜稽首授几襲綈紉體仁之掌故邁奉常之所

司然此語夫尊而未極夫養之至也厥有千佛之經百福之

屏寫官屑金 御翰鏤青恒河所披闡河所升珠彩效月秦

扇越縉孰與海客獻而報章鍼神袿而繡文勺藥百和堯厨

扇薰良醞六清帝臺送醺羌物備而儀及舉數紀而命名古

所云孝洽天下合萬國之歡心以事親者惟我

大聖人已宣至和者縣毛虞佾堂序舍干鍼肄文舞麾帙旄

植翮羽

上釐謨籥章維時其雅奏之樂且有儀也 親率麟趾麟定

山龍卷然班衣颺舉然後侍玉膳於 壽安殿瑤樞於純嘏

於此之時嘉氣氾濩福徵絛懋揭南斗爲上尊齊西池爲重

耐斲五世之百祿邁九如之

萬壽昂精降河穀老杖朝給背兒齒式燕以敖相與賀吾遭
曰盛哉乎斯世媿妣不足多而簡嫫不足褒也然且弛逋賦
起廢僚級羣尹榜士曹禮獄瀆壓陵廟第戒道圯治橋通工
惠農民物用饒擊壤擊轅中謠初謠學者博菽考信有若斯
之天地昭神明通斲景燦升延拱以篤祐我

聖母以垂矜我聖清者歟言未旣碩耆灑然振容噴然概
於中曰有是哉若子所稱文繁情靡然知其一不知其二也
夫聾蟲不聞雷霆之音爲其瑱於聰也蚊睫不見泰山之密
爲其障於盲也買珠者持櫝叩槃者遺燭謂直不知量也抑
子廩校功于三古絜德于六籍則億萬萬壽可知矣昔者乾
綱坤維厚載光化母天下儀長信長樂大母奉之然而乘彤

車矣不聞慶都履綬錫元圭矣不聞修己翼祺非德齊而福未齊書缺有間焉抑顯靈厚有待於方來而元會運世之庶爲我貽也明統中葉我朝龍興頌長發之奏雅下武之賡

是以晉

神媛之朱果知玉筐之所以宜男馴

文后之彩翬知翟衣之所以兆禎代遞演於金策史交誦于丹陵況復筦百年之禮樂集六官之政教俶必世之上仁格自天之要道運疇開而弗先光疇遠而弗耀蓋佑啟於椒塗聖澤之間而赫濯於檢玉鑽金之告者如此其劭也宜如此其醜也且夫萌庶之子一再命之臣奉不必鼎茵遠不必祔孫年不必大旬猶且啜粟而懽含飴而睠數齒而所彼蓋有漿髓之齋栗與瑁佩之睦媼榮見於受旌樂生於爲善如今之百齡舉案五代合巹者可睹焉矧鍾粹毓源若我

聖母之引大祺餼洪願者矣是故鐘在宮而聲聞璞抱質而
潤流子第知瑤琯璇圖黼闥載娛而不知化理之基於關
雎子第知玉葉金枝蘭殿載嬰而不知惠問之敲于螽斯子
第知服貢物貢紫闈頓供而不知繭館桑田之慇乎祈誦子
第知游河游獄黃馭驂服而不知陳詩納賈之慙乎誣度
至如伽葉彌羅真如貝多祇爲民而請顛而徒福田利益之
云何哉且夫天之所助者順也人之所助者信也嗟元部之
凋劫隸羅义之羈管嚮効縣而典屬茲攸塞而行覲質孫答
忽賁其衣頭鵝詐馬渥其宴斯時也宗乘之廟成歸誠之碑
建滌七旬之儻階格花門之勢面闕十稔之侑觴徠秦蒙
之廸賓惟

聖母厚載无疆惟

聖人敕幾貴斷禁中頗牧不克襄而宮中堯舜偕與峻也且
子亦聞夫天帝之孫乎封嬪七二有亭有云有神所家絳衣
玉真東以注生木道用神山以主壽貞象顯仁敬體安恣升
香告虔有取爾已且夫厚坤取義爲母爲地萬物致養德乃
天配能養萬物養亦畢至弗祿爾常載援神契

聖天子讓善則偉稱老則避猶此志焉吾子瑕不陳旣醉之
景介推箕範之福備迺心參體泰禋禋焉以是相喞哈也咫
聞聖言大德受命履今踐昔考靈介慶然且闡偕樂之旨繹
不匱之令甄咎厥之習葆盅泊之性藏珠抵璧觀道泰上崑
然風草齋然心鏡抑工商之衰業劭耕紉之盛務吏斲彫而
抱慤士黜華而惇素二氣化其伏讐萬物登其時序美矣茂
矣孝用就矣假若吾子所祝嘏豐鎬之上期庫河雒之中候

是將植建木時華平擾騶牙招歸昌玉雞俾其吐綬鉤鈐俾
其耀明略德教而啟符瑞非聖人之緝敬也迪懿訓而思
齊媚斯天道之福謙也某雖耄齡嘗學於舊史氏飽仁勸德
又詔工肖吾形焉輿引典義竊思所以祛毒蔽而奏六經
也古民於時靡徒做罔憬若矇發良久乃稱曰鄙人壽昧吾
乃今知

天子之孝與

母后之德所以宏也載忻載醉重爲系曰

皇理孝兮嗽瑞圖融愛日兮光三朝
瑟緼陸兮尊酌衢壽無量兮高厚俱坤
含章兮亨貞元晞鴻號兮離曜懸範演福
兮皇德宣奉

母后兮年萬千

平定金川賦

謹序

注由敦

皇帝紀元乾隆之十有四年春二月金川莎羅奔郎卡請命
元戎率其徒醜匍伏軍門誓奉約束永戴 恩德號願哀禱
出於至誠經略大學士忠勇公臣傅恒承 制納降露布驛
聞自 闕廷達於康衢若臣若民同聲懽忻躡躍抃舞
天子曰惟昊天

列祖相予有家詒慶襲趾且率我

文母之啟迪以集是勲也爰咨禮臣備舉慶典於時羣公常
伯鋪鴻藻信景鑠作爲雅頌譜樂府饒歌不宣凱樂皇皇洋
洋極藝苑之大觀矣臣竊惟

聖天子之盛德鴻烈焯爍絃埏臣庶罔弗共覲至於難燭先
曙仄席遲漏乾健而行自強不息與夫 淵衷密運 睿謨

神捷先機遠燭動中窾會臣等日侍清光雖末由仰測高遠而睹記親切有非外庭所能具悉者謹不揆庸陋叙爲古賦冀以宣述萬一

有梁益牙士咨於中樞大夫曰繁昔先王經野畫疆曰蠻曰夷曰要曰荒示羈縻而弗絕固荒忽而不常惟彼金川僻界荒裔其地則絙橋索引鬱岫斬巖不足版圖隸也其人則騰蹕倏呻呶嗚蠢蠕不足編氓字也有跳而獶如瘞自噬有攘而逋如竄於翁顧迺勞銳師而事遠攻得無初計之未審所從歟大夫曰吁豈謂是哉我聖清之廓帝紘而恢

皇綱也東爨西耀南熿北煬惠液浸衍旁魄配藜含生之羣靡不游原而泳沫何藁爾之弗率乃思遲于鄰封太陽耀不能強矇眙以視明和風扇不能化鷗鷗以好音今夫桃關以

西諸番星列牙錯鱗次蜂房螳垤其輯脅歸懷藉旻蒙而仰
維絜也非一日矣弗衛安庇弗翼安暨殖嘉穀者去螟螣擢
良材者剪荆棘天戈所麾固將建威銷萌初非利土宇以恢
疆張撻伐而校力也時則鬪帥失圖老師罷眾就駢戮以伏
辜究威柄之所用載咨心膂相惟一德載授符節以匡以敕
出飛黃於天育資溫毳於尙方旌旗郅偁驂驅騰驤

天子闢閭闔禡靈旗次虎帳手御卮仿古禮之推轂目送其
騁步於中達爾乃歷燕趙馳弁晉邁咸秦以直指輾劍閣而
徑進斯時也日在峻狼陽來復初風饕蝟毛霜嚴裂膚元宰
杼衷赤於天稟勵匪躬以忘軀均勞士卒分苦隸徒束驂馬
以凌絕險陟層冰如履夷塗羌談笑而步百里賈餘勇其有
餘然且朝拜章奏夕治軍書掌申日以廢寢復昧爽而長驅

伊古之名臣良將，應選指數胥遜，謝而蔑如也。迨莅和門，軍律是申，川巖爲之動色，壁楯爲之更新。狡謀伺間，奔命貌馴。數罪狀以揮刃，馘妖狐以橫身。凡逃聽而環視者，莫不蹙竦。警怖愕眙而瞬眴，嘽嘽王旅如江。如潮塞雲，棧趾岩堦，方厚集以揚鋒，行踦岨而焚巢。賊徒旣剝腹心，而落角距，謂將翹足而隕覆也。倉皇號諱，無間宵晝。元宰以聞，帝用惻然，矜彼蒙瞽，前而宥之。重以

聖母之慈訓，憫其窮而無救也。亟詔班師曰：武不可究，賊方凶懼，懵不知其所托。命桓桓岳帥，夙稟教令，走丐更生。扶服延請，釋我几俎，援我窻竅，導逕徒御，由黨壩而采踐其境。靡約不從，弭耳聳聽。帥曰：俞哉我天子神聖，固有以孚豚魚而格臯臯也。用達厥悃而佈諸元

宰乃除道築壇清壘張幕發薊吹螺梵樂間作番酋率眾成
列以待元宰之至稽顙樹額蛾伏拜膜自陳罪惡倖脫齊斧
而出鼎鑊信明誓之且且奉六條之成約雪嶺夷金川涸誓
不渝慄祇恪載獻其琛南金滿橐罍壘寶相獅象纓絡元宰
宣 詔旨示宗大信振 皇靈之灼爍番酋忻喜過望悔歸遲
而內怍於時雲日開明祥和綢緼巴兒賓叟咸舉手加額曰
自有此土所未嘗覩信天人之協應而陽春之彌浹於區宇
也夫凱旣奏式遄其歸擁豹尾之雙戈控紫疆之陸離管上
公之顯爵煒殊錫之葳蕤粲命服之加隆酬偉伐而匪私且
獨不見夫錦江玉壘之頌德而無已者乎或忤於衢而歌於
市如戀慈母變彼赤子香花載路企踵俟者延亘千里或
列姓名銘蓋製衣卻弗能止丞相祠堂竝列以祀伊忠誠之

感有以深入人心且勿謂蚩蚩者愚蓋同聲一辭謂
聖天子之知人善任使也

天子方迓釐於昊穹歸美於

祖德于

廟于

陵祀祇飭王公卿尹咸思熙鴻號以昭桓撥顧先已奉
諄誨之謙冲鬱輿情而抑默懿

聖母之慈恩晉

徽稱而增福履滋保乂以誠民奉璇闈之燕喜於是御

紫宸而受賀中外禔福頌明良而賡喜起摛雲章揆鴻筆刻
青琅紀事實典謨尙皇龔六爲七告成均豐碑屹翠厯千
萬禩胥誦聖謨之洋洋而流德音之秩秩必若所言棄彼

度外則何以闡綏世之長御閱覆幘之遠量且何以發其天
良俾革心而內嚮也又何以昭示遐邇使姦猖者知所創而
強良者知德化之不可抗也如論夫兵力之雄則羽林伏飛
雲輶臨衝輕武利趾躅壁躡空伊涼之健卒滇黔之選鋒索
倫烏拉突騎元戎莅颯卉翕趨捷鴻絢器用之利則黃間赤
羽開石貫墉應弦馬踣發必洞胸輕甲繡襜吳錦疊重鞬逾
兕犀能禦火攻矧夫揚威巨礮輕裝九節亦董千鈞圓瓜隕
颯雷礮電飛迨裂逆滅杳莫測其神奇亶掃迹於一瞥何堅
不摧何阻不挾若是乎其銛利而盪軼也間小試於巴郎隴
邛籠其半折則使中峯飛度破竹振籟設奇謀之得展固將
輟藉而麟轍蓋嘗執奏至於再三而

聖天子施解網之仁運止戈之略卻逸足於中路拗餘怒而

迴薄良以攻昧而撫順予善而棄惡闕大造於無外柔異類
而綏不若故曰天因人聖因天勢如轉規謀如湧泉兵法曰
全勝不鬪大兵無創天以阻深智昧俾茲異種得卵孕煦字
於一方夫豈人力所能戕故力雖雄弗究其用器雖利節之
以制戰而後服不如不戰而自屈也度蘭津而爲宅人不如
伐其心而予維新也日凜凜乎佳兵黷武之戒而時行時止
知進知退所謂至誠如神無遠弗届其懷德畏威者視獻俘
執誠爲更倍是豈管窺蠡測所能仰逮者哉系曰堯曦晶兮
舜風暢參巍巍兮廓蕩蕩世曼壽兮延景貺梁益下士乃呀
然自失曰蓋自中和樂職宣布之詩旣闕未嘗聞斯懿美今
飲於醲和飽於醇德大夫復覺以至誼仰歎悅服幸哉獲遘
乎斯世

聖謨廣運平定準噶爾賦

朱筠

維大清受命

列祖

列宗天疇地垠日月之中四海之外我臣我隸今

上卽位以來修舉典制謁

三陵幸闕里登東岱巡乎大江之南以省問民事西南平金

川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉朝受贄

遠則西洋之域槎海晞日者以數萬里計莫不循東風謹方

物十年而一受吏

皇帝曰嘻上下兩間孰不臣乎惟西荒準噶爾實有元之臣僕

據西極之沙鹵策妄策凌世惡誇詡遠作不靖爲邊氓苦昔我
皇祖聖祖蓋親征三駕其部

皇考世宗所以命將出師欲殲其魁犁其庭而翼其子也粵
二帝未克翦之志付畀其在予予一人念之二十年一日其
敢暇夫其道里之寥閔潮海亘乎中央宵瀰漫以秋春草木
失其青黃飛鳥下啄而譙輿竭獸索飲而趨狂羲輪下燒乎
空積水泉涸而不揚平沙汨其千里仰天蓋之茫茫內屬龍
堆外蒲蔥嶺樓蘭車師取道越境負康居而擁大宛敞克五
色天馬之影其俗控弦耆酒而猛域中萬里有衆四部台吉
率桑逐水打牲各治處所儵聊走徒剽若風雨人不知信背
欺面詐蠢爾抗衡利我寶貨天侈其心井蛙自大蓋自

仁皇

憲皇秉白鉞仗黃鉞方宥夫驕黠絕遠之誅乃彼昏不知兵
在其頸而羗自活也人之興妖鬼神助之于是喇嘛達爾扎
以孽子行逆達瓦齊以亂臣竊據哈薩克之師掠其邊場噶
爾丹多爾濟之眾守其部署渠魁酒醉酋曲惶慄迷鹿昏烏
顛倒跳竊以故台吉車楞伍巴什等暨阿睦爾撤納等去逆
效順畏蜺忻雨欵關而籲乎上國者萬有餘戶

天子曰咨其厚勞來者朕將享之熱河以親決所便宜惟十
九年秋七月

皇帝至於熱河受降者朝于是蘇離附墨之屬輿韃窳匿之
曹雜遝歡喜鬪呀詰聲名王兀其屏息撞大鋪而伐磬導臚
列而拜舞循釳砌而上高揚天儀于咫尺步震恪而不躄
赤日曠其照心敢自外于荒要降侍燕而醉飽樂無涯乎所

遭曰

天子之福我願先驅而負弋乃用錫命乃賚赤黻于喀爾喀處其率部渺雄略與大度咸推心而置腹九月

皇帝有事于

三陵而躬默禱出師於

列祖之寶城謚思精意神明周流陟高山而降原想風雨之未收手拊摩乎弓矢似乘翠黃其來游目若凝乎望洋耳若提乎貽謀元孫其上告在西戎之巨酋彼茶嫫其部人皇天赫其鑒劉紫世擾我藩籬固

列聖之所讐獺歐鱗其沍集獸窟射而空投請洗兵以救焚紹我

祖之用休然後六飛轔轔回輿乎京師

天子曰嘻自準噶爾逆亂不道數十年于茲厥野樵魚牧有
獍鴟皇天命朕中外稱制實惟五刑之討九伐之灋在我其
出師誅厥大憝以救頽黎爰命將軍燦西北而並進以其
來者爲副將軍授之節鉞致敵而前參贊諸臣左右厥功謀
成勇發鵬攬虎蹲輝輝焯焯天兵出關于時軍容之所叱擣
師行之所經涉霆聲電芒摩拂歎歎欲騎以龍文魚目之馬被
以文璫通犀之甲利乎媯羌鄙書之鐵險乎懸度風災之峽凡
夫西戎長技之所恃于焉倨僵者蓋我不煩勞而戢耆而况
乎

天廟之算神武之籌卽用其人以決其捷所以有征無戰問
罪人而弔國邑固嗒然彼醜之若兔蹄而豚苙也爾其師律
所向闐闐廣張地鼓鳴而裂堅天鑪燒而照空呼三軍而作

氣雪嶺蒸其中通長途憩以飲馬啗流沙而行康莊先聲嚆
而動九天瞰投戈乎烏梁繞兔嶺而踰索爾颿凍雪而不僵
聿二馬木特之所鷓蚌鬪而相戕我軍闖其探穴拔兩猛乎
麗雙迺遣壯士齎詔馳重驛而告曰我誅其敗羣而牧夫
牛羊嗜來者爲我貔貅而用執爾貪狼遂跋乎嚙爾丹之部
其台吉來效忠願出兵以載橐鞬處者樓而不藏乃有額林
少年兄弟宰桑暨乎卓木之戶捧玉盤而踉蹌麗三臆于俘
寶獲其人之尤良是時大軍葢莅乎五集賽也聞酋首其酒
荒咸厥角而饜前旗狀飛霞沃乎沸湯拊布錫而併庫特禽
賊使者以降羶大纛其行野靡乎博羅之源而搜山梁陁隘
業峩萬里空闊寶露雀穗所過飢渴覆冰而暄肉骨而活巖
嶮絕域就平熟路廣柔險易若作甘霖而滿蟻穴惟羅卜藏

丹津昔青海之叛藩敢遁逃而煽敵不卽誅者三十餘年日
轂下馳螳臂力殫一螟二蝮投身轅門將軍執之檻車送行
有巴朗之二醜鴉在林而忽翻閃列缺以下搜炤三窟而收
游魂罪人纍其旣得焯萬軍而諄謹粵以二十年五月朔我
師直抵乎伊犁諸部台吉率先爭來自河之南極河以北杖
戈服劍面東背西咸願出兵執達瓦齊喇嘛回人黃弁素佩
牽羊昇酒除塵進灑給背黔額婦子稚孩距躡左右日夜我
僊以故皮幣壺漿之誠顏色温喙之態飈清日潔源諫熙熙
若民生不知挾夫弓矢而謳喏匍匐今日迺見

天子之德威于焉掀六幕單九塊五精握兵風與雲滂妖鳥
因而跼翅狂獸窮而側掌撼霞幡而懸月鏡光不逃乎魍魎
空漫漫其失路上直視而目瞠山林懺其駭人俄藏身而疑

影甘自首而怯內懼高厚而倏仰夜砲鼓其乍轟萬馬嘶而
脫鞅蝟渠燧其墜心羣醜橫分而不黨遂盡收其羸幕而俘其
少長彼達瓦齊迺蹣跚躑躅迷穴伏莽走和集斯伯克汗乎
橫江之鯨遮而投網日俯取以燎而我用休享夫其出師半
載以往戎衣不更綻師糧不數餉唐弓夏箭未嘗抽長戟利
矛未嘗盪韜策之士無所發其奇賁育之倫無所試其勇而
自東行西萬里大廣下刻土版上列宿景樹之藩屏丁其襪
裸惟

皇帝神靈被格古無以上意者天將轅嬀德而屆媼妣跡而
叻也大捷布聞四遠照耀于焉鸞輅和雞人詔大禮盛樂鏗
鏘旖旎用告成功于
太廟羣臣同聲請上

尊號

皇帝曰都予仰惟

祖考明德非常之功自遠來告非予一人之力羣臣歸德於予朕慙慙焉惟

皇太后聖德自天所極東西南北輪廣販睡罔不心服矧西戎萬里近在九譯者哉朕臨天下亦惟蚤夜祇受

皇太后之教用集大烈如天之福其上 徽號以展朕意羣臣咸頓首曰俞哉 孝德六月己酉

皇帝躬至于 壽康宮奉上 寶冊鉅典焜煌仗列華焱羣

臣次進升歌樂洽 御太和殿拜舞在職于焉冠佩之容鼓吹之節旨導旨御春麗山肅上乎天安之門翥金鳳而詔萬國 詔曰五嶽四瀆帝王之藏命官致祭出師諸臣嘉乃偉

烈其爵賞以次中外在事諸臣汝勞用叙京師文武百職事
有晉級有加賚越歲秋春試天下士其廣中式者所在錄囚
輒減赦其罪禁嚴讞免逋貸存問無告恩典三十與天下大
治然後按鼙鼓之律考彙街之制軍以俘來獻于

廟社

天子御午門而莅焉繫頸施佩牽入十步撻鉦鳴鼗百僚咸
在司馬上請曰司寇是司所以昭示誅宥惟

帝所置莫不跂然而觀達瓦齊之俘至曰偉哉今日大武之
裔皇而鉅典之旆噓也由是崑崙之西身毒以外思慕威德
咸請屬隸握江歷之珠璣獻壽林之蔥翠師子大雀四靈之
瑞占黃茲白萬里之騎玉門簾金天窾陳幣自日所入朔日
所出以驕驍於郵驛者灼爍乎其相繼于斯時也百年見虞

樂周禮之興六職由文事武略之選四民以十言五教爲常
九海以丹雘白瑋爲近由榦而枝萬末一本而况

天子黃幄獨斷萬里之外以通未嘗貫一鏃染一鋒者奇功
也奉

皇太后讓善崇名敷其文教至以窮髮之北爲玉食地供娛
色笑古者以天下養安得較乎此大孝也天下由是踈然而
稱曰巍矣極矣莫與則矣而

皇帝方淵然雲矚松棟肸蠁醴假之是卽與夫

列祖

列宗所以震鬯思默者方且凜顛頊圍矩之訓慎伊耆山垤
之戒前陳宥坐之器旁求芻蕘之得日珥星景而所其無逸
夢牧卜獵而箴於有位黃雲大穗輸其祥而一夫勤乎扇暘

白麟奇木昭其應而四維凜乎朽索左詩右書鏘金戛玉乃
召夫庭堅伯翳之儔日月朝夕相與勗都俞而傲吁咈若此
乃所稱 至德也曰三至善而不居遵皇極之正路用垂則
世世在金版與玉鏤惟臣之蠶測爰珥筆以奏賦

星象賦

吳錫麒

余山居之夕周步林阿脫木無陰眾星森然適在頭上爰念
天象悉符人事管智所及不韜於言爲之賦曰

遼乎哉三十五萬七千里之墟青蕩蕩其孰居體上質之不
飾總下宙而貫諸叛赫戲以昭夜扶飛輪而迅驅敲汨飄戾
流離參差間可械劔熒而如碁蓋可名者其星三百二十而
微星之數又萬一千五百有奇下以象物象官象事上以錯
絡乎報德背陽常羊躡通之維也維帝稱尊亭毒萬有曰耀

魄寶曰含樞紐扇魏魏於太清狀穆穆於元首祺然葦然麗
乎中垣常朝之所以莅百宮正紫宮而裁宇隘縣圃於崑崙
閔閔闐其遼廓順斗極而啟天關碧城屹乎萬仞界十二之
闕干沿內階以炤爛擢華蓋之團團握璇衡而出治固居其
所而不遷其在外朝是爲太微俯跨翼軫容與端闈陽耀陰
藏授德稽疑儼華闕之雙立敞明堂之四扉披左右以洞闢
蕃東西而枳維旌五帝之廣坐設屏展以障之珠煥黃而塞
望連藻火其相掖考參牟之大卞遵頌羸之上儀端冕搢珽
聽治於斯佐之以三公夾之以四輔綽上卿之位九齊諸侯
之等五進納言於鼎司登執法於烏府肅然而大理平蔚然
而郎位聚魚罩駒維龍攀鳳附前有輝而後有光咸部署于
神園亦有少民大民宗人宗正右轄則華幄常陪左轄則金

支交映通血脈於諸王表太尊於貴姓匪劉匪霍莫能比盛
又有言語侍從之臣密勿清禁校理秘文文昌煥發圖書畢
陳接上台之第尉昭東壁之璘彬肅史官於柱下共簪佩而
趨宸周以常陳之位翊以羽林之署森壁壘而建標環師門
而設桓虎賁夾屯積卒旁護元戈鐵鉞有警而赴後宮則鉤
陳之外閣道凌虛龍尾炳祥后妃所居璇質窈窕軒耀敷愉
美容翟之穢襪辨服物於離瑜率三心與五噶承燕寢其密
如別有天宿之宮解衣之室御女其姝奉命當夕下丹鳳於
女牀兮大人占之曰吉傅說祀於高禴兮降皇儲之岐嶷復
申之以禮防兮兩咸儆其淫泆嘉陰陽之和會兮永無讐乎
靈匹彼夫常侍謁者珥貂飾璫翕舌附耳讒言貝昌四勢薰
炙謀及廟堂刑餘勿邇用戒不祥若夫備遊觀娛耳目則圍

囿之屬重迴遊復榆柳成行庇宗茂族匏瓜無耦敗實猶綠
菜果蔓生躡鴟之沃迺有積水洋洋鱗躍塘隨微波而澹宕與江河其相忘
鱗輸芒神龜巢葉金鱗躍塘隨微波而澹宕與江河其相忘
鳥則天雞孔雀紅衿翠護鶉奔奔以結衣鶴褊褊而曳步鳥
喙餐切而颺揚火鳥紛文而霞翥植者斯榮動者斯赴屬左
右之二更準山澤而納賦其間海山縹緲象乎闐蓬通池架
梁接鏡申虹四瀆五潢委輸無窮跨天關之截業日月出入
乎其中通望渺緜周原膺膺鬢羅堰以洩雲灑天淵而溜雨
維胃之腴八穀咸樹究司空之溝涂樂丈人之雞黍將登富
於廩困用播精於臼杵何稊稂之在前慮穀飛而爲蠱夫一
夫不耕或受之饑一女不織或受之寒伊須女之職戒在婦
官遵彼微行爰求柔桑榻操鉤而采采葉沃若於扶筐感流

火於七月迨授衣而已霜一布帛之淳制又何羨乎雲錦之
爲裳蠶蠹惟人貴賤殊族托命彼蒼綢繆纏屬合櫺營室連
椽蓋屋雞犬相聞箕帚無譴同井而汲罔不篤睦爰有富家
大室高明有融奴僕丰昌層積穹隆增嬋娟以此身閉娥婺
於房櫳紆天都之文繡調器府之絲桐雖溷廁其致飾麗美
奢乎石崇爾乃懋遷有無廓開天市旗亭邛張列肆交峙車
擊轂而雷填樓躡空而雲起貨別墜分連袂錯趾蝮斛無愆
斗甬相比羨帛度之章身哂屠門之津齒離珠發耀於波斯
之船礪石効能于公輸之技狎獵紛葩贊葢綺靡吏無楊藜
峩弁以治徒觀其平道迤邐長垣叻陘旁侵傅路斜繞天阿
或依街而立界或夾鉞而通波陽陽國而陰陰國南南河而
北北河三泉廣其津逮八坎平其險嶺則爲經爲緯時出時

沒繞大角而亘虛梁彌寒門而還燦闕宣澤則雲雨飾威則
霹靂蓋所以作則華京炳乾符而揚景烈也於時雞人詔旦
魚鑰開晨女史滴銅壺之漏箕伯清砥路之塵左青瑊而來
擾右素威而効馴長離拂羽以前導元武縮甲而後蹲迺振
天桴鳴河鼓啟軍門陳葆旅髦頭被繡次乎招搖梗河迺鋒
二矛重喬冽卒秉天槍以清候隸僕揚天棓以警囂飛九旒
之騷殺流蘇颺乎迅飈曳雙旗之獵獵役蚩尤使不驕房駟
騰精是襄兩服寶皎翠華天廐所牧五車昉分結軫齊輻郎
將引嗶騎官樹纛詔造父以授綏俾王良爲之屬指車路之
迢遙飲咸池而休若木風馳雨驟電激雷征噶噶旭旭隱隱
訇訇取元氣之廣大按六飛而巡行遂集於青林之苑陳師
治兵參伐森嚴紀綱肅清然後天甲張燿火起掩騰蛇追封

豕宵日鳥於罕車射天狼以弧矢入魁致禽三驅乃止曾騎
陣之未移而前旌已返乎軍市於是陳周鼎薦犧牲清廟肅
社稷歆嚴祠毓粹涓選休成乃登靈臺察庶徵攝提告象天
高景清候者冠述而望氣太史書雲而珥筆沉氛浮禋司怪
是詰弭變祈禳不逢不吉然而舒慘不同威福異致天獄其
婁大罰斯麗法網鉤鈐深牢鍵閉司非莫能彌司救莫能庇
重者罹鐵鑽之誅小者嬰貫索之繫又或饑饉麋糝疾疫並
至墳墓棲魂哭泣熒皆蕭蕭載鬼之車閃閃積尸之氣其虛
其危孰階之厲若乃勤屢省發維馨上下和內外平占少微
之朗潤招賢士而揚旌拜三壽以敬候出丙而入丁挈天
罇以斟酌澤下究於羣生仰陰德之普汜亮昊緯之難名猶
必察隱宜幽周遍於十有二國輶軒出使英蕩持節朝橫節

於漢南夕振策於益北控驛馬以載馳閱傳舍如一管樂嘉
客之逍遙遂通道於蠻貊東甌卽序青邱內首天壘示順於
丁零之區狗國表誠於烏丸之數落落繩度綿綿襁負重償
譯於象胥辨九州之殊口咸頓頑而折威罔稽首而敢後天
門侍宴張素爲厨玉井沸華積薪燁如飲烽騰而權火起酒
旗卓而清醪娛旣飽飫于仁義亦沐浴于膏澤羣含精而負
氣各顯見而彪列于是乎給背之老翩翩然被黃髮者携子
若孫奉揚舄奕相與舞蹈於泰階頌天壽之平格夫機象冥
緬去人甚遙然小則當名而服事大則顯面而正朝人事以
之察天道以之昭故其順也則木彰福德金主兵強熒惑有
禮辰和陰陽土宿播靈麗乎中央玠幽兮貞彩的皜兮珠囊
不必表赤制而旅井兆蒼精而聚房而侶周伯駢菟昌匹舍

譽儷臧光旬始去沴而効美歸邪非雲而告祥信克念之作
聖故蒙祉于無疆及其變也畱伏不常盈縮失位流而爲衝
滑散而爲翟沸六賊同方五色異彗雞青蛇黑雁飛虹睨山
壤若灰蓬亂如髻銀槍突圍蒼衣領隊長欃竟天枉矢流地
斗騰亂精雲搖怪氣爽入苑而示災拔莠河而紀異雖使木
折於東方酒醑于晉帝而指之不能滅其妖祝之不能移其
崇因垂戒於來茲實瞭然于紀載在昔循蜚因提之紀靡得
而考焉已後之聖人房翼降精斗褒在抱玉衡察機金錐運
寶詳四守定三正綜六述建五行莫不應象以釐庶政揆時
而教農耕又有大撓剛相之倫唐昧尹臯之輩甄曜正圖援
神定契理以言提工其人代而或凌雜米鹽抑揚渾蓋未知
周髀之奧妄測圓穹之大是猶棘林之耀曾未覩乎榜木龍

燭也醜雜之守曾未涉乎虞淵暘谷也嗟下土之蟻蝨亦竊
廁於掖垣愧鼎輔之乏器敢倉庾之濫恩慕亢池之小築卜
幽棲以息喧摘天錢而挂杖厯果園而盤桓抱酒瓶其竟醉
將卷舌其何言

漢長無相忘瓦賦

有序

吳省蘭

張舍人墳瘦銅遊秦市得古瓦其當銘曰長母相忘以漢建
初尺度之高七分逕六寸三分圍尺九寸八分舍人寶焉刻
漢瓦頭張墳造爲研八分字於左側愛其篆奇語質質古而
澤潤乃爲賦云

有昆吾之遺製越就植於卯金致丁甯於偃額表繾綣之柔
心中安平樂步壽集靈長秋大夏雲光露零合歡宴昵昭陽
增成長母相忘語重情長離宮三十六孰汝是詳其或奉春

封長樂治綿叢習法酒置稷嗣定儀臚句班位惕息奉觴袞
龍尊貴昭示萬年肯堂勿替又或露臺罷顧成營柏梁災建
章興儉德或劭雄心或增質言弗渝勒垂斯銘若乃王孫薦
歡聖卿承豫奢帶旣寬輕衣遞御清晝夢醒餘醺在輔感衷
斷之不續愬韶華之遽逝於邑巡檐要盟斯誓至乃倚筑琬
房徵車織室更衣子夫披拳鈎弋望邢是矣召李來遲持褱
愁去慵癡慢施合曲則鳳凰引調啟殿則鴛鴦儷名君恩自
重妾命原輕臆訴如許睠言觚稜又若永巷螢飛長門雁度
露索暗沈風鈴細愬香殘鎊炷忽奉車首三生再造一賦千
金追舊愛於輕絕軫後遇之難諶將指天以寫怨聊仰屋而
明心是耶非耶斯瓦猶全秋風茂陵烽火甘泉指數炎漢幾
世幾年振兮驚鼓飛兮挾雨俄委穴於狐狸恣竄遊於鼯鼠

合也何繇解也何緣毀不再成碎不再完千校苦月一片零
烟辭漢闕入秦市劫灰並沈汰礫互視曾不庇夫美人竟遺
投於名士時也度隴之羈掖垣之客拊質重摩臨文熟譯解
玉佩以要之貯奚囊而歛璧圖若破觚規若切線琢之磨之
襲以爲研搨夾雪而成帖卜食墨以爾田倣綢繆之小印記
名姓而深鐫韞有木蘭之櫝壽有金石之編願終古而不蝕
備散錄於雲仙重曰昔陪鳩鵲飽晨霜今伴蟾蜍滴秋雨來
今往古飄瓦如長母相忘子與女

種竹圖賦有序

王芭孫

種竹圖者里中馮給事培之所寫像也圖作於乾隆戊申之
歲題詠積多諸體略備頃承枉示屬綴一言因爲小賦系諸
其後云

黃門先生身居朝請與寄滄浪金鑾下直玉軫高張機鞋布
襪斐几藤牀啟窈窕之三徑懷嬋娟于一方非予美之耿介
孰吾共於風霜爰披苔蘚爰植篔簹駢分一个兩個羅置十
行五行揖茲瀟灑贈我清涼迺爲種竹圖焉以廣仙人黃竹
之唱而引風人綠竹之章懿古隱士種桃醫家種杏種李房
陵種蓮玉井治生則種橘千頭殖貨則種葱百町種藥開獨
樂之園種芝駐長生之景種柑題霜後之書種秫參酒中之
境種樹之帙籤以癸辛種魚之經疏兼乙丙咸有託於懷來
故流連而尋省何黃門之胸中獨消川之千頃點筆記湖州
偃竹之圖開卷畫朝岡片竹之嶺蓋夫竹生自直竹性本虛
浮筠旁達節概相扶縱山林之盤詘有不拔之根株方初苞
下綠籜已自異乎紫蒲乍貓頭之脫紉旋鳳尾之紛敷瓊籟

斲瘦玉版餐腴鬱龍蛇之適怒與雷雨而相須撫雲霄之志
意肯埋沒于平蕪渺秋心之搖落戰風力于高孤彼斐然之
樹立良有似乎吾徒所宜濯以清流媵之文石負鴉觜之鋤
扶鶴臯之堦疎密叢區堅鬆土硯擁護風捎彌縫曦隙待長
養于子孫積清陰乎朝夕論心松栢之交寫韻蓬蒿之宅茶
話移茵詩牌布席爾眼雙青吾天一碧夫何影攢瑣碎勢壓
檀欒湘烟半啣疎風一欄奉圭璋之秀挺蘊楂枒於肺肝空
露啼與風笑傍甘蔗而弗彈奈魏公之嫵媚悵日報於平安
羌叢卑而烏疑豈直節之誠難苟蕭艾之同潤固不如乎泥
蟠黃門乃憮然有聞迥然而賦曰予豈 蔦蘿與薜荔兮忘
坎坎之伐檀折疏麻以思遠兮睠騷人之滋蘭吾不爲夫婞
直兮將有事乎祥鸞孰吾貢于瑤琨兮矢予音之琅玕恐歲

時之易宴兮吾將歸乎江干攀枇杷之晚翠兮盟此君於歲
寒客有和而歌之者曰桂招予兮淮南荃何爲兮京轂憺淹
久兮仿偟誓還種夫苜蓿邀夫君兮劔筭伴燒豬而食肉

快賦有序

陳鱣

僕于讀書之暇間及吟咏羗無故實大抵言愁客曰子之所
爲終是寒乞相曷不言吉祥善慶乎遂援筆作斯賦非以反
文通之恨聊爲解子雲之嘲耳其詞曰

將欲登高峯追芳蹤寬眼界拓心胸酒般畢備賓客和從僕
乃笑整衣冠請陳快事擊節歡呼共鳴得意有如陶朱佐越
功成沼吳黃金已鑄烏喙無虞謝南陽之宰載西子與俱飄
然一舸泛入五湖立致富厚坐享華腴若乃季子說行諸侯
傾倒車騎輝煌繡衣媚好佩相印以過雒陽載多金而驚妻

妓旣張樂而設飲亦清宮而除道洗往日之蒙羞舒男兒之
懷抱至如子房決勝漢業方開韓讐已復秦地多灰杜門引
退偶俱無猜赤松可侶黃石重來臣願封畱足矣孺子可教
也哉若夫周郎得計陳師赤壁北軍大奔老瞞喪魄溺馬燒
船舉旗折戟還南郡以稱雄對東風而自適共諸葛以談兵
顧小喬而歌席更如青蓮才子早飲香名金鑾召見步輦相
迎欣看穠豔醉草清平天子倚席貴妃持觥食御羹而酣臥
著宮錦以閒行及夫汾陽建勲受恩深厚姬妾滿堂田園廣
畝女夫盡屬列卿公主尚爲子婦家人出入不知所居諸孫
來前惟點其首二十四考中書八十五年康阜或有徐淑孟
光取妻得偶八龍三鳳生子象賢美如平叔之貌壽同彭祖
之年著書等君山之富揮毫並中郎以傳左攜曼倩手右拍

長卿肩跨穆王之駿乘鄂君之船紅拂綠珠畫眉奉硯昆侖
銀鹿盥手執鞭莫不指揮如意顧嗎生妍又若久客初歸新
昏始夜金榜題名柳營穿射出遊則到處逢迎寂處得良朋
命駕彝鼎鋪筵圖書滿架燠閣消寒池亭賞夏花正開園月
方臨榭于斯時也一刻千金懽情難借噫嘻乎海天闊兮風
土饒麗日遲兮香雲飄曳長袖兮舞寶劍鼓瑤瑟兮吹洞簫
人生及時須行樂且爲之浮大白而消搖

湖海文傳卷三

青浦王昶德甫輯

頌文

聖駕東巡盛京恭謁

祖陵大禮慶成頌

謹序

史貽直

臣聞物本乎天，人本乎祖。故孝子之事親也，致愛則存，致愆則著。而聖王之御宇也，以義率祖，以仁率親。其在廟也，有日祭，有月祭，有時享，有歲禘。其祭於陵寢也，近者或閱歲一舉，遠者或間世一行。至於朔望節序，上食之禮，則掌之祠官，引而近之，親親之誼也。書缺有間矣。若夫漢唐諸君謁陵上食，諸儀載在史編，可考而知也。前代諸儒泥于章句，不能緣情制儀，以垂於後。或是古非今，或穿鑿附會，名爲聚訟，無所取

材洪惟我 朝鍾祥長白源遠流長

列祖

列宗積德累仁經營締造暨乎

世祖受天明命遂朝六合撫綏萬邦中外一家繼繼承承於
今百年懿休乎史冊所書未之有也伏見我
皇上臨御以來敷政甯人無時不以敬天法

祖爲心無日不以紹聞衣德爲念善繼善述不顯丕承邇者
恭謁

園陵特脩祀事

鼎湖弓劔塵僊聞愾見之思

原庶衣冠動春露秋霜之慕追維

世德仰溯

先猷用以見

累朝創業之艱難

列聖貽謀之光大萃萬國之歡心以肅雝顯相至孝也需敷天之膏澤以覃及中外至仁也周覽盡桑麻雞犬之俗有以知邠岐之勤儉

王業所由興享王及種裘毳服之倫有以知鎬洛之聲靈

皇威所由被以視夫揚雄之誇羽獵相如之賦上林安足以方斯 駿烈媿此 鴻休也哉 臣承乏銓衡兼司秋部不獲

躬隨 鹵簿廁奉璋虎拜之列葵藿之愛無由自展不揆菲陋爰拜手稽首而獻頌曰

癸亥之秋七月初吉

皇帝時巡六龍扈蹕豈曰盤游

大禮是秩巍巍瀋遼日華雲霽長發其祥有邵家室 鑿與
未發零雨其濛 屬車旣駕皎日麗空油油縉雲習習祥風
塞垣迢遞塞草丰茸先天弗違帝眷

皇躬於爍

列祖肇基俄朶天錫嘉符鵠銜靈果唯天降命敢不負荷北
倚長白南控遼左豈不懷安四方後我洪惟

太祖積德累仁

清雖舊邦其命維新躬擐甲冑漠北無塵維時中原旣否且
屯

帝曰念哉吾矜其民

太宗嗣服輿圖式廓

崇政當陽高山荒作旗列八方雲屯萬幕其時中原愈削以

弱

帝曰時哉惟德勝虐肆我

世祖壹著戎衣矢無亡鏃天命有歸

聖祖受之壽考維祺

世宗纘緒海寓恬熙亦越我

皇百祿是宜伊誰之爲

列祖之貽我

皇大孝孝思維則東望

鼎湖聿懷

祖德栝椽旣陳營膝旣敕春露秋霜豈惟怵惕繩其

祖武庶幾不忒自朝至旻不遑暇食興京翼翼闡闡岩巽乃

陳法駕乃集百僚乃設九賓乃奏雲韶中外一家莫不來

朝傾誠仰化豐穰輕貂歌風比舜就日如堯在昔

聖祖三謁

園陵我

皇法之是遵是承念茲 神器業業兢兢京邑相望 王業

所興

列聖在天靈爽式憑桑麻被畝禾稼盈陸億萬斯年大猷允

升 中天之盛喜起麇歌際茲 景福是曰太和林無伏莽

海不揚波在廷獻頌雲委肩摩微臣 蒙眷九列婆娑豈不抽

思非才則那 彤墀拜手但媿卷阿

聖駕東巡盛京恭謁

祖陵大禮慶成頌謹序

表曰修

乾隆紀元之八年

上侍

皇太后自京師出古北口詣興都謁我

列祖陵寢猗歟盛哉斯誠鉅典粵維我

皇帝陛下臨御海宇凡所施設爲萬世矧念尊

祖敬

宗帝者首事夙夜東顧慍乎不敢康茲奉

皇太后旨諏吉啟行肅將祀事遵

聖祖遺軌承

世宗憲皇帝志也

三陵翼然

神其攸宅

上迺升壇薦馨以次告祭備儀備物弗懈益虔灌鬯旣畢褒

功勸忠勞逮于從龍之佐維時諸外藩王子部落駢集踵至
臣民億萬萬皆踞瞻

聖容同增感慕禮成 駕輿霓旌翠麾日華雲燦鱗次關微
之上蜿蜒遞逸駐 清蹕於東都

上益周覽從容景與神會穆然遐思巽然高矚我

祖宗經營締造之跡咸在心目 御正殿受朝 錫昇平之
嘉譙 恩綸載馳中外和會迴 鑾道山海關旋京師是

行也逾秋涉冬風日清朗

上召問耆老諮訪土俗 輦路所經普 賜膏澤在行之

人均荷 惠賚農樂于野師忘其勞往還數千里如在戶

闈 仰維我 朝起自東土肇造區夏發祥之始實同邠岐

自永清大定以來又百年于此薄海內外都爲一家

聖

聖相承依古無匹

皇帝臨一統車書之會當百年禮樂之期揚烈觀光合萬國之懽心以事我

皇祖典盛禮崇神人胥慶自是宜推之賦咏傳於無窮臣頌者既歌詩以獻又竊以固陋之詞不足揚

聖德伏惟

皇帝陛下述作協於陰陽動靜佐乎天地與詩書雅頌所稱美同符合節臣謹輯五經成語爲頌十六章陳之黼座文章報國臣何敢云願濡筆屬詞誠懼誠忭亦且自慶遭逢焉頌曰

仰得風通繩其

祖武至治馨香承天之祐禮樂明備惟

帝時舉以致其禋祀俾緝熙於純嘏

章一

念茲

皇祖乃疆乃理東至於海邦畿千里肇十有二州罔不率俾

繼自今文子文孫介以繁祉

章二

皇建其有極萬國咸窳纂乃

祖服與時偕行霜露旣降可以升

山陵旗十有二旒錫鸞和鈴

章三

時乘六龍亦右

文母視寒暄之節悉率左右徽柔懿恭德音是茂內平外成

克開厥後

章四

奠高山大川建無窮之基路寢孔碩神所憑

依至于

寢門外如將見之有孚顒若永言孝思

章五

誕

我祀如何直哉惟清薦用玉豆雕篋潔粢豐盛旣備乃奏簫

韶九成用能協於上下以爲禮之大經

章六

帝省其山峻極于天原田每每王道平平

盛德大業有

開必先美哉泱泱乎君子萬年

章七

禮行於

祖廟濟濟翔翔侯甸男邦采衛具飭衣裳辨色始入觀

國

之光載篤其慶俾爾熾而昌

章八

雲上於天零露泥泥燕以

示慈惠飲酒樂愷乃命有司

大賚於四海崇德報功貴親而尚齒

章九

渙汗其大號

慶賜遂行百辟卿士公侯干城行爵出祿以莫不增省囿

止獄訟刑期於無刑

章十

帝光天之下受小球大球四夷咸賓匪紹匪遊皆再拜稽首

以承

天庥民大和會如川之流

章十一

乃武乃文克篤

前烈歲

云秋矣習射御角力三驅之餘以數軍實展也大成

天威不遠顏咫尺

章十二

帝庸作歌吐詞爲經對越在天通駿有聲文物以紀之與日

月合其明不顯哉丕承哉永底烝民之生章三祭則受福

入而振旅其道大光昭茲來許以化成天下有秩斯祐照姬

覆育萬物爰得我所章十四山川出雲雨雪霏霏兆於南郊

自天祐之

聖人至德而風雨節寒暑時冬大有年

大君之宜章十五順氣成象福祿來爲繼序思不忘

聖敬日躋乃賡載歌無疆之辭

天子當陽

上帝是依章十六

聖主臨雍禮成頌謹序

欽惟我

汪由敦

皇上神明天縱聖敬日躋燦乎文章光被四表海內承學之士延頸企踵喁喁向風文治彰明莫矣哉猶念太學爲賢才之關教化所自粵乾隆三年春三月

躬釋奠於先師禮成

御藝倫堂儒臣進講

皇上親渙玉音闡明大義維時公卿侍從之臣以及聖賢胄裔太學生徒環侍竦聽者凡數千人咸得瞻仰

天表親被

道德之光華郁郁乎皇皇乎前史所云辨析異同正坐自講章句質疑稱制臨決方斯蔑矣臣竊維太學之制肇于有虞盛于成周而大備于昭代我

列祖化成久道壽考作人教澤涵濡至深且厚而我

皇朝志略卷之三十一
皇上躬聖人之德明聖人之道脩聖人之教舉有造有德之士鼓舞而作新之在詩大雅曰古之人無斁譽髦斯士而其頌文王也曰於論鼓鐘於樂辟雍其頌武王則又曰鎬京辟雍蓋周先王之德澤相繼久長而於辟雍教學之地復加之意如此棧樸作人卷阿多士德化之成其所由來若斯之遠也且夫堯兢兢日行其道舜業業日致其孝古聖人之加四海未嘗不由于身教我

皇上緝熙光明終始典學義軒以來之統孔子所爲集大成者旣廼知之復允蹈之蘊之爲盛德施之爲大業純亦不已道積於

聖躬教思無窮烝我髦士于是恢 熙朝之隆緒脩虞庠之

上儀 德意龐鴻 恩施溥博傳曰天子建中和之極金聲

而玉振之昭景燦揚洪庥述考曩編實維今日臣幸覩斯盛

敬隨諸臣之後作為頌歌拜手稽首以獻其詞曰

天佑下民若有恒性克綏厥猷惟

后作聖亶亶

聖皇顧諟明命

聖德之純立誠居敬章一曰若先師道德之宗昭揭日月覺

寤羣蒙于羹于牆心源相通有赫其儀式是辟雍章二於樂

辟雍四方之極式擴舊章是崇是飭宮牆翼如黃中正色軒

楹煥如榜題

御墨章三仲月上丁灌獻既親載稽令典載卜良辰載莅橋

門俎豆莘莘服膺至道執禮斯頻章四秩秩講筵煌煌大義

探本天道稽古帝治位育中和欽明文思我

皇身有之先後一致章五至教彰矣至道光矣濟濟多士示周行矣覃被海隅澤無疆矣勉勉我

皇文德翔矣

章六

於燦我

列祖德洽九宇倬彼雲漢萬物斯覩煦之和風膏之甘雨觀文化成超軼隆古章七隆古之治我

皇承之蹈德詠仁髦士攸宜

身示之教從欲以治於萬斯年作君作師章八

聖主臨雍禮成頌

謹序

杭世駿

皇上御極之三年歲在著雍月維脩寄詔有事於太學先期下所司各庇職以上考國程稟經義用丕集於禮甚盛典也於是日官吉蠲禮官具儀大胥簡徒司樂授器事將屆皇帝莅於齋宮三日齋廼陳法駕詣辟雍躬釋奠大臣陪位

小臣就列六軍七校既匡既肅禮成

上御彙倫之堂進師儒等官敷闡經術諭以迪教育材于時
生徒萬人圓橋瞻企咸稽首頌化仰奉

聖天子盛德作人至意臣以史官得與觀聽親望 休光良

用忭悅退乃研精竭誠欲以微詞導揚美善采惟禱昧實懼
且慙謹按古學之制書傳可見自五帝始其曰成均蓋以成
養性情而均一者也亦越有虞厥名曰庠夏商迭興各建名
義姬周受籙兼用四學設教之方於斯爲備漢唐宋元迄于
明代時際泰運莫不攷古樹儀數典具物我 朝

列聖肇一區夏大啟學流文德錫極

世宗憲皇帝丕承 前列茂典有加稽古崇儒重道之風興
行右文之治從未有如 國家之盛者也

皇上以生知之哲紹執中之傳典謨總於一心聲教訖於四海國有嘉禮次第舉行茲乃

親臨學宮脩明大紀煌煌焉秩秩焉備哉燦爛真神明之式也臣嘗載觀詩傳如於論鼓鐘鎬京辟雍諸什咸登於咏歌宣之金石一時所傳千古咨誦今乃幸際昌期與觀明備敢以淺鄙妄擬發摠然自臣子近光之願下士鳧藻之情誠有不容自弁者謹獻頌一篇拜手稽首以聞頌曰

天生烝民有物有則克綏惟后曰攸好德戢戢有眾其羣千億翼翼秀良萃此王國王國所儲下士所謂禮容樂服稱是令譽若彼良畝惟勤菑畚若彼純璞琢爲珩琚珩琚鏘鏘多士濟濟我

皇顧之嘉樂豈弟乃詔太常迺命司啓青陽之吉式昭典禮

典禮戒備

皇帝攸行物瑞雲炤神颯氣昌玉振金聲而道大光前聖後
聖合德一堂堂皇業業上棟下宇銀榜環林重檐夾廡犧尊
青黃冠裳黻黼樹羽崇牙象節鼉鼓乃考鼉鼓列辟左右敷
席振策奉璋贊卣槐蔭成行棧樸薪樗凡此羣材悉爲

帝有

帝有恩言如春斯暄

帝有恩植如卉斯蕃陳詩論藝勿告勿諉鼉誦夕居曰惟

帝恩明明

列祖教澤孔湔

皇王善述野無伏賢儒風浹宇文思啟天百物熙皞展唐虞
年勗哉多士敬脩厥詣或德而材或道而藝庶幾大成以承

帝筮小臣矢音用告世世

聖主躬耕藉田頌

議序

杭世駿

臣聞道民之路在於務本務本之要職於重農藉田者聖王所由敬崇宗廟社稷之粢盛而以農事勸民事也書益稷之謨曰烝民乃粒萬邦作乂周思文頌曰立我烝民莫匪爾極載考傳記尤稱博矣

皇上體祁姚之德勤后稷之功立中和以視農辨上下以合禮乾隆三年二月辛亥

親帥王公大臣以下藉於千畝之甸告虔事也爾乃句芒效職盛德在木巽風融洩解雨霰柔土膏動矣青壇嶽立翠幕雲布遐阡繩直方郵棋互井置正矣掌舍設柷甸師清畿司徒具徒太常授儀典文洽矣倉庚于飛杏華屬野葱菁在軌

蒼龍先馬時物備矣

皇上撫御耜以三推咨保介以終畝三事九司咸其舉趾于耜佐

天子成禮焉抑臣聞之訪國美者稽舊史考方載者在往牒臣嘗驗之隆古虞周之盛咎繇作歌召伯矢音非徒侈一朝之盛美亦將使大君之德昭然耳目而自昔泰始躬耕亦有辭賦元嘉親耕厥著簡冊矧我

皇上道隆君極念切民理茲大典舉行宜有高文鉅辭潤色鴻業垂之萬世永永無極臣伏揣固陋謹于動容發音之下效康衢之謠敬獻 丹扈用備采擇辭曰

於皇

清廟奕燿蕭燼曾孫孝享明德維馨亦有嘉薦神倉高廩于

豆于登實粟實穎明昭上帝俾大而昌百室盈止自天降康
思樂春郊 君子是蹕榮暢協風祥暉麗日爰區九穀爰召三
農儲駕屢左物有其容其容孔嘉祁祁喬喬有坻有櫛有芬有
苾迺咏大田乃載磁鎡雨我公田遂及我私昫昫南畝我后履
之駉駉氓作我后喜之匪惟履之汜濩澤之匪惟喜之尚飲食
之我日斯所我物其訶實屢豐年用答

后勤德之勤矣下民之歲主之屢矣上天之祐欽哉欽哉咨
爾九扈

皇上肇建辟雍釋奠講學禮成頌

謹序

序集西漢
頌集毛詩

呂星垣

謹案上世帝王

韋元
成傳

建首善自京師始

儒林
傳

文王以諸侯順

命而行道

藝文
志

設辟雍

翟方
進傳

甚盛德

刑法
志

然此乃諸侯之事

司馬相如傳六藝羣書所載藝文志天子曰明堂辟雍郊祀志所由來

久矣食貨志春秋之後藝文志未立於學宮孔安國傳後聖復前聖者

亦未遑庠序之事也歸林傳今

陛下昭三代之業劉向傳立太學以教於國董仲舒傳尊先聖禮樂

立廟京師之居韋元成傳聖人取類以正名刑法志禮義是創

遂興辟雍禮樂志皇皇哉斯事司馬相如傳曩者叙傳三十三年常山

侍御史百官表奏請立辟雍禮樂志

上下其義吾邱壽王傳禮官議郊祀志太學者董仲舒傳不近水李廣議

不可用周勃傳四十八年郊祀志因時施宜韋元成傳宜興辟雍禮樂志

不欲費民高帝紀開內藏賈捐之傳發輪造作翟方進傳及其賈直賈捐之傳

禮官具禮儀奏景帝紀大小高卑有志五行志

上許作之如方郊祀志乃鑿井溝洫志繩索相引西域傳激水推移

司馬相如傳規圓矩方志律治大地志郊祀象海水周流傳揚雄築宮其

上志溝洫居中央志律水園宮垣志郊祀如合璧志律東西南北傳貢禹

道橋趙充國傳起水門提闕臣信作治黃屋蓋江都易碱皆銅沓

冒黃金塗外戚玉堂璧門志郊祀高明廣大董仲舒傳醴泉流其唐

揚雄傳通川過平中庭司馬相如傳四十九年南粵既成京易布告

天下景帝天下之士雲合霧集刺通觀國之光傳叙孔子後

紀成帝封於東土武五子傳剖符世世弗絕灌嬰七十子之徒傳儒林

推求子孫梅福為博士官儒林世其家賈誼一封軺傳遣詣

京師成帝各以其職來助祭韋元成傳皆隨使者詣闕外戚五十

年志郊祀春王正月辛亥朔志律布德惠東方朔傳懷柔百神志郊祀詢

問耆老諸侯嘉與士大夫武帝

賜爵各級高帝赦天下武帝恤孤寡厥助賑貧乏魏相孝子

悌弟貞婦順孫

文翁傳

署行義年

高帝紀

德洋恩普

司馬相如傳

百姓

和樂

董仲舒傳

丙辰

律志

上置酒

高帝紀

禮高年

賈山傳

饗外國客

武帝紀

壽人

禮樂志

三千人

儒林

稽首來享

司馬相如傳

二月

高帝紀

丁亥

武帝紀

帝入太學

賈誼傳

親奉祀

郊祀志

夜漏未盡

一刻

禮樂志

殿上有鐘

音

武五子傳

九重開

禮樂志

黃屋左纛

高帝紀

星陳而天行

天文志

皇帝入廟門

禮樂志

謁者治禮

叔孫通傳

秬鬯泔淡

揚雄傳

粢盛香

禮樂志

志用牛

郊祀志

圭幣各有數

郊祀志

習六舞

郊祀志

金聲而玉振之

兒寬

登歌再終

見素王之文焉

董仲舒傳

既祭

揚雄傳

報降符應

兒寬傳

若雲非雲

郊祀志

神光並見

宣帝紀

是時太官方上晝食

蕭望之傳

命羣臣齊法服

揚雄傳

各敬厥事

禮樂志

於是

皇帝輦出房

叔孫通傳

登陞就坐

賈捐之傳

就乾位也

禮樂志

百官備具

司馬相從臨講梁邱賀傳傳曰趨叔孫通傳引入高帝紀入侍左右霍光傳

此人皆身至王侯將相司馬遷傳幸得遭遇其時王吉傳光祿大夫

段會宗傳二人西域傳德為國黃耆師丹傳祭酒龔勝傳二人禮樂志身為

儒宗蕭望之傳振衣登堂申公傳東嚮西嚮叔孫通傳避南西域傳為便坐

君傳言禮儒林傳治易高相傳講論其義劉歆傳皆窮根本張湯傳

陛下發德音董仲舒傳復下明冊董仲舒傳以應緝熙司馬相如傳以參天

心李尋傳耆老大夫搢紳先生之徒司馬相如傳皆伏地高帝紀嚮風

而聽司馬相如傳皆稱萬歲高帝紀禮畢武帝紀乘輿弭節徘徊司馬相如傳

眇然以思唐虞之風揚雄傳於是諸儒儒林傳及

上左右為學者叔孫通傳喟然稱曰揚雄傳承天順地宣帝紀日新厥

德王吉志

帝王之極功也刑法志羣臣悅服高帝紀以尊卑次起上壽叔孫通傳

迺還獲承

至尊公孫宏傳又蒙

賞賜貢禹傳三公有司吾邱壽帛人二匹武帝紀諸生何武傳

賜金高帝紀丙科儒林傳舉孝廉武帝紀增倍之儒林傳湛恩汪濊司馬

相如不可復加夫移風易俗者賈誼傳咸遵夫子之業而

潤色之儒林傳廣教化王尊傳六合同風王吉傳具是矣賈捐之傳

皇帝仁聖王吉傳普天所覆揚雄傳自上古弗屬鄒陽傳皆嚮風慕

義司馬相如傳廣威德西域傳壹統類王尊傳風雨時鼂錯傳百穀登董仲

舒欽念哉原陵寢廟叔孫通傳至遼東地理志奉承祭祀師丹傳

遣使者武帝紀窮河源張騫傳錄而奏之藝文志脩文學經術宣帝紀

下及諸子傳說藝文志論列是非司馬遷傳置寫書之官藝文志脩舊

起廢司馬遷傳皆充秘府藝文志行南巡狩武帝紀次六天文志陂九澤

澆漁志見百年揚雄傳察風俗魏相傳選豪俊武帝紀廣陵地理志丹徒

地理志錢唐地理志

賜以秘書之副叙傳明飭長吏守丞黃霸傳輒親問見循吏傳使遠

近情偽宏公孫宏傳靡有所隱董仲舒傳

陛下盛日月之光終軍傳原始察終司馬遷傳兼綜條貫兒寬傳故能

究萬物之情司馬遷傳獨化於陶鈞之上鄒陽傳躋之仁壽之域王吉傳

奉循

聖緒郊祀志五世地理志一家荆燕吳傳勸學興禮揚雄傳不亦宜乎武帝

若立辟雍劉歆傳尊養三老嚴錯傳杜氏杜欽傳以意穿鑿王吉傳

其語不經司馬遷傳臣竊聞之嚴助傳王者父事天郊祀志下為黎庶

父母鮑宣傳往古以來王嘉傳尊親之大義韋元成傳况乎

上聖司馬相如傳表章六經武帝紀光被四表宣帝紀夫

君親壽尊

杜欽傳

何有加焉

武帝紀

蓋聞

聖人壹定之論

叙傳

昭然可見矣

藝文志

若夫經制不定

賈誼傳

務

法上古者

董仲舒傳

有名無實

文翁傳

非所以繼嗣創業垂統也

司馬

相如傳

聖上遠覽古今

西域傳

又申之以烟戒

叙傳

子子孫孫無疆之計

也

劉向傳

此則

陛下深計遠慮所自出也

嚴助傳

學官弟子

申公傳

自以逢不世

出之命

李尋傳

見而榮之

召信臣傳

願竭愚心

李尋傳

書不能文也

張敞

傳以述漢書

叙傳

著之于篇

武帝紀

奮六經以抒頌

揚雄傳

詩言志

藝文志

文章爾雅

儒林傳

集而讀之

劉歆傳

遂作頌曰

揚雄傳

維

清緝熙日之方中自南自北自西徂東烝我髦士四方攸同

儀式型文王之典於樂辟雍章一 鎬京辟雍考卜維

王自古在昔日求厥章經之營之亦孔之將如跂斯翼宛在

水中央章二 二月初吉適觀厥成自堂徂基有覺其楹旭日

始旦肅雝和鳴萬舞洋洋祀事孔明章三 展也大成闕宮有

血聖人莫之在此無斃高山仰之不聞亦式青青子衿徧爲

爾德章四 龍旗奕奕鸞聲噦噦侯誰在矣黃考台背以介眉

壽萬有千歲薄采其芹言從之邁章五 烈文辟公左右奉璋

以先祖受命衮衣繡裳施于孫子申錫無疆以其介圭繼序

思不忘章六 聖敬日躋念茲

皇祖於穆不已受天之祜在

帝左右惟申及甫宣昭義問敷于下土章七 濟濟多士懷我

好音既立之監有壬有林秩秩大猷不顯亦臨敬而聽之克

廣德心

八章

于彼西陲不遠伊邇秉文之德夙夜敬止各奏

爾能宜大夫庶士以矢其音媚于

天子

勅

聖武遠揚平定回部西陲永靖大功告成文

謹序

朱珪

臣伏覓

皇上執天樞秉神斷五年之間全定西極決勝二萬里而遠
鏡照機張不爽毫刻籍伊犁縹名王蕩餘氛降諸部有罪必
誅無遠弗庭發之九重之上而收之八荒之外亘古以
來未之有也臣嘗竊怪漢司馬相如作封禪文班固著典引
其文瑰奇而非事實或夸珍符喻封巒至于祖伊耆臣素王
尤爲不典唐柳宗元作貞符及雅詩韓愈作碑銘然是時唐

無他功憲宗平淮西耳千里之叛虜乃克之以爲如天之勲不可企及豈足語於

聖神之萬一乎臣伏讀

御製大學碑文及開感論兩篇

睿畫大猷功歸

上緯蓋帝堯之欽昊有虞之敕命至矣曷以加茲臣謹案易稱大人與天地合其德又曰天且弗違言天固人之所自爲也竊據事徵典作文一篇具道

天子之功德與天合契者頓首以獻其文曰

上圓昆侖凝爲廣輪其外環以禪海中貫星辰有攸天德爲天下君權輿龍翼羅圖之紀不可得稽蓋靡顯於軒轅於是鞭應隆竿涿鹿五十二征天下砥屬少昊袞鞬鞬顛頊絕九

黎堯平九嬰之珍舜翦緡雲之裔子姒以來於傳可紀也且夫德大者包天垓德小者疆地戒知有所不照時有所不逮漢斬郅支訖於羈縻唐棄維州築室道謀宋之有國北剋西副鄜延環慶原渭之外委之夏人拱手不敢西牧終拓跋九世而降于元元失其鹿明來犄之始藩哈密中葉而毀嘉峪關外亘土魯番亦不刺據乎西海瓦刺窟乎賀蘭近塞榆林北爲河套毛里孩火篩吉囊俺答蓋先後甌脫其間明之守臣不敢偵瞭兩兒辨日孰胖近遠棄其玉斧袖手莫斷公卿訟于槐棘疆場割其土版戶楹不知邊問四方厥德弗馨帝用眷命於我大清也維我

太祖以十三甲破葉赫輝發所向摧摺遂有遼瀋之陽至於太宗長弓大鎧駕兩白龍麀松山降朝鮮蒙古列部聯爲外

藩功莫勤焉

世祖受之天乃全付所有

聖祖既拔三葉海訖天幹極西北隅有厄魯特部爲阿魯台之裔天命蔡之

皇祖是用三駕天戈梢乎月窟取其鱣鯢而赦其劓刖也彼酋不悛窺我西藏

世宗赫怒遂定青海莫我敢抗殲之于厄爾得尼招賊用大創我

皇上日夜思

列祖之光明自天榮鏡昭德之致于萬方焉南溟金川雕題
鬚首之國莫不四面樹領企爲內臣天將以準噶爾全部暨
諸回國二萬里地授之我

皇於是綽羅斯之內訂阿睦爾撒納之篡擢大小和卓木之陸梁所以啟大功而擴我疆也夫時者事之鍵知者決之斷非鍵曷行非斷曷成當攸關之虞至光莫得乎要領

帝曰時哉操刀中肯爰麾兩牙剿阿爾泰山而下飲馬於河是時羊頭之銷未殷其鋒飛蚤之鏃未抽乎室犁伊犁庭俘大台吉若泰風之振蕩大冶之爛雪易於承蜩而撥之也既而拚蟻螻嘯彪螫忠者握節辨者守黑

皇帝不疑曰是不可不大殛再張

天軍罪人必得然後

鍾山之子化爲鸚鵡負危竅窳自相灰爛首惡械相顧之尸羣狙驚會稽之箭墮坻破瓦無有存者從風而靡莫不歸我朝蟬封臬牘之長徠虎脊魚目之馬東西布魯古特娑奚繩橋之路復通右部哈薩克塔什罕蠻觸鵲蚌之爭遂捨重舌

九譯拜於闕下與天無極功業豈不大哉彼波羅泥都霍集占者我之放豚出豈負塗背我大恩地荒城阻孰施長鞭帝曰是戕我義臣不可赦原易將授鉞

天討自申庫車阿克蘇烏什和闐以次悉平

王師電撤

焱發行萬餘里攻葉爾奇木未下退塹于黑水當是時賊眾數萬我軍三千守汧城而鑿穴飲疏勒之飛泉自非

一人辰居斗運天輪闡張先時輻湊強兵鐵騎儻馳驟曷克拔重圍而破勅寇若撲策而數計者豈非天授哉及乎大師長驅寇寤而遁置羅布天棄其室家乃收哈什哈爾葉爾奇木之民二窮二酋之所轄三戰三捷至于拔達山傳檄授首所部悉臣子夜之尸異處相縈之身不環蕩雷轟以爲池平阿耨以爲田然後般師偃伯燔柴挈臯以告功乎皇天也

於是諸王三公六卿咸進曰

皇上獨秉天斷功成甚偉五年以來闢地二萬餘里伊古所稱無有倫比請上

尊號協于泰元垂之鴻禩

帝曰吁惟天之佑惟

祖

宗之志其克有成子其敬事諷日

帝躬裸於

大室徧告

山陵暨上下神祇名山大川咸秩酬功行慶莫不昭晰乃揆天心攤日暹穹碑屹乎响屨揚大文之爰爰歸鴻名于泰一參帝典而爲三惟乾乾乎終日式上帝之所監日中必慧觀

卷三
天執時有黃帝之明焉惟德動天無遠弗届有重華之文焉
震用伐鬼方三年克之有高宗之斷焉崇墉仡仡四方以無
拂有文王之勳焉彼漢唐之所梨孽宋明之揭擻又奚云乎
天道收穆無聲無言

聖人法之不息益勤惟動俟志有開必先雷殷龍見合謀於
神虛而不有是爲乾元上摶流乎三光下配藜乎八竇天哉
皇哉

皇哉天哉遂作頌曰惟天九重萬物之宗孰協於極我

皇之德衡氣發機克灼知之非惟知之

皇允釐之茫茫大地戒以山海同於天光惟

皇德所逮彼咀西域曠莫之格闕彼曰澤我執而弗射面天
者懷背天者威或枿而芽火風其灰我出我師昆侖之西坡

陀萬里今勞其歸非常之原莫敢或量今成大功天心克彰
祇祇翼翼敬

帝之則劫輩勞謙萬年無極

湖海文傳卷三